



Emerika Bluma 1, 71000 Sarajevo
Tel. 28 35 00 Fax. 28 35 01

**PREČIŠĆENI TEKST
SAMO ZA INTERNU UPOTREBU!!!**
Legal Department



**ZAKON O PRIVREMENOJ ZABRANI
RASPOLAGANJA DRŽAVNOM IMOVINOM
BOSNE I HERCEGOVINE**

**“Službeni glasnik Bosne i Hercegovine”, 18/05 (32/07)¹, 29/06
(32/07), 85/06 (32/07), 41/07, 74/07, 99/07, 58/08, 22/22**

IZJAVA O ODRICANJU OD ODGOVORNOSTI: Ovo je nezvanična, prečišćena verzija dokumenta i OHR ne preuzima odgovornost za bilo kakve greške. Verzije dokumenta na bosanskom/hrvatskom/srpskom jeziku, možete pronaći na lokacijama iz zvaničnih izvora u BiH.

¹ U plavoj boji – Parlamentarna skupština Bosne i Hercegovine je usvojila Odluke visokog predstavnika brojevi 343/05, 02/06 i 25/06, a što je objavljeno u „Službenom glasniku Bosne i Hercegovine“, broj 32/07.

ZAKON O PRIVREMENOJ ZABRANI RASPOLAGANJA DRŽAVNOM IMOVINOM BOSNE I HERCEGOVINE

Član 1.

Ovim zakonom se zabranjuje raspolaganje državnom imovinom.

U smislu ovog Zakona, pod državnom imovinom podrazumijeva se:

- 1. nepokretna imovina koja pripada državi Bosni i Hercegovini na osnovu međunarodnog Sporazuma o pitanjima sukcesije, koji su 29. juna 2001. god. potpisale države Bosna i Hercegovina, Hrvatska, Bivša Jugoslovenska Republika Makedonija, Slovenija i Savezna Republika Jugoslavija;**
- 2. nepokretna imovina na kojoj je pravo raspolaganja i upravljanja imala bivša Socijalistička Republika Bosna i Hercegovina do 31. decembra 1991. godine;**
- 3. poljoprivredno zemljište, za koje je Ustavni sud Bosne i Hercegovine utvrdio da predstavlja državnu imovinu u svojoj odluci u predmetu br. U-8/19;**
- 4. rijeke, šume i šumsko zemljište, za koje je Ustavni sud Bosne i Hercegovine utvrdio da predstavljaju državnu imovinu u svojim odlukama u predmetima br. U-9/19 i br. U-4/21.²**

U smislu ovog zakona, pod raspolaganjem navedene imovine smatra se direktni ili indirektni prenos vlasništva.

Član 2.

Bez obzira na odredbe bilo kojeg drugog zakona ili propisa, državnom imovinom može raspolagati isključivo Bosna i Hercegovina, kao njen titular, u skladu s odredbama ovog zakona.³

² Boldirano – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 01/22 („Službeni glasnik Bosne i Hercegovine“, 22/22), član 1. stav (2) je izmijenjen.

Prethodno:

U smislu ove odluke, pod državnom imovinom podrazumijeva se:

1. nepokretna imovina koja pripada državi Bosni i Hercegovini (kao međunarodno priznatoj državi) na osnovu međunarodnog Sporazuma o pitanjima sukcesije, koji su 29. juna 2001. god. potpisale države Bosna i Hercegovina, Hrvatska, Bivša Jugoslovenska Republika Makedonija, Slovenija i Savezna Republika Jugoslavija, koja se, na dan donošenja ovog zakona, smatra vlasništvom ili posjedom Bosne i Hercegovine ili druge javne organizacije Bosne i Hercegovine; i

2. nepokretna imovina na kojoj je pravo raspolaganja i upravljanja imala bivša Socijalistička Republika Bosna i Hercegovina do 31. decembra 1991. god, a koja se na dan donošenja ovog zakona smatra vlasništvom ili posjedom Bosne i Hercegovine ili javne organizacije ili organa Bosne i Hercegovine i bilo koje administrativne jedinice Bosne i Hercegovine.

³ Boldirano – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 01/22 („Službeni glasnik Bosne i Hercegovine“, 22/22), član 2. stav (1) je izmijenjen.

Prethodno:

Bez obzira na odredbe drugog zakona ili propisa, državnom imovinom se može raspolagati samo u skladu s odredbama ovog zakona.

Svaka odluka, akt, ugovor ili bilo koji drugi pravni instrument kojim se raspolaže imovinom iz člana 1. ovog zakona suprotno odredbama ovog zakona, ništav je.

Član 3.

Imovina i prava preduzeća, registrovana kao takva, koja su predmet privatizacije prema Okvirnom zakonu o privatizaciji preduzeća i banaka u Bosni i Hercegovini ("Službeni glasnik BiH", br. 14/98 i 14/00) i važećih propisa donesenih na osnovu njega, izuzimaju se od privremene zabrane prema ovom zakonu.

Osim toga, Komisija za državnu imovinu osnovana Odlukom Vijeća ministara Bosne i Hercegovine ("Službeni glasnik BiH", broj 10/05, u daljem tekstu: "Komisija") može, na prijedlog zainteresovane strane, odlučiti da određenu državnu imovinu izuzme od privremene zabrane prema ovom zakonu.

Dio državne imovine koja će i dalje služiti za potrebe obrane se, na temelju i sukladno čl. 71-74. Zakona o obrani Bosne i Hercegovine ("Službeni glasnik Bosne i Hercegovine", br. 88/05), također izuzima od privremene zabrane proglašene ovim Zakonom.⁴

Član 4.⁵

Privremena zabrana raspolaganja državnom imovinom u skladu s ovim zakonom ostaje na snazi do stupanja na snagu zakona na državnom nivou kojim se uređuju prava

⁴ Dvostruko podcrtano – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 25/06 („Službeni glasnik Bosne i Hercegovine“, 85/06), u članku 3. iza stavka 2. dodan je novi stavak 3.

⁵ Boldirano – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 01/22 („Službeni glasnik Bosne i Hercegovine“, 22/22), član 4. je izmijenjen.

Prethodno:

Član 4.

Privremena zabrana raspolaganja državnom imovinom u skladu sa ovim zakonom ostaje na snazi do stupanja na snagu zakona kojim se uređuje provođenje kriterija koji će se primjenjivati za utvrđivanje imovine koja je u vlasništvu Bosne i Hercegovine, Federacije Bosne i Hercegovine, Republike Srpske i Brčko Distrikta Bosne i Hercegovine, i utvrđuju prava vlasništva i upravljanja državnom imovinom, koji će se donijeti na preporuke Komisije, *odnosno do potvrđivanja prihvatljivog i održivog rješenja pitanja raspodjele državne imovine između države i drugih nivoa vlasti od strane Upravnog odbora Vijeća za implementaciju mira, ili dok visoki predstavnik drugačije ne odluči.*

Prethodno:

Isprekidana linija – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 02/06 („Službeni glasnik Bosne i Hercegovine“, 29/06), u članu 4., riječi: "u roku od jedne godine od dana stupanja na snagu ovog zakona" su zamijenjene riječima: "30. septembra 2006. godine".

Dvostruko podvučeno – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 25/06 („Službeni glasnik Bosne i Hercegovine“, 85/06), u članu 4., riječi: "30. septembra 2006. godine", zamijenjene su riječima: "31. maja 2007. godine".

Boldirano-Isprekidana linija – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 46/07 („Službeni glasnik Bosne i Hercegovine“, 41/07), u članu 4., riječi: "31. maja 2007. godine", zamijenjene su riječima: "30. septembra 2007. godine".

Boldirano-Dvostruko podvučeno – Prema odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 08/07 („Službeni glasnik Bosne i Hercegovine“, 74/07), u članu 4., riječi: "30. septembra 2007. godine", zamijenjene su riječima: "31. decembra 2007. godine".

Podvučeno – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 13/07 („Službeni glasnik Bosne i Hercegovine“, 99/07), u članu 4., riječi: "31. decembra 2007. godine", zamijenjene su riječima: "3. juna 2008. godine".

vlasništva i upravljanja državnom imovinom, a koji bi usvojila Parlamentarna skupština Bosne i Hercegovine, odnosno sve dok visoki predstavnik drukčije ne odluči.

Član 5. ^{6 7 8 9 10 11 12}

Ovaj zakon stupa na snagu odmah i odmah se objavljuje u "Službenom glasniku BiH".

⁶ Isprekidana linija – Odluka visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 02/06 („Službeni glasnik Bosne i Hercegovine“, 29/06). Ovaj Zakon stupa na snagu odmah i odmah se objavljuje u "Službenom glasniku Bosne i Hercegovine“.

⁷ Dvostruko podvučeno – Odluka visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 25/06 („Službeni glasnik Bosne i Hercegovine“, 85/06). Ovaj Zakon stupa na snagu odmah i odmah se objavljuje u "Službenom glasniku Bosne i Hercegovine“.

⁸ Boldirano-Isprekidana linija – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 46/07 („Službeni glasnik Bosne i Hercegovine“, 41/07). Ovaj Zakon stupa na snagu po objavljivanju i odmah se objavljuje u "Službenom glasniku Bosne i Hercegovine“.

⁹ Boldirano-Dvostruko podvučeno – Odluka visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 08/07 („Službeni glasnik Bosne i Hercegovine“, 74/07). Ovaj Zakon stupa na snagu na dan objavljivanja u "Službenom glasniku Bosne i Hercegovine“.

¹⁰ Podvučeno – Odluka visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 13/07 („Službeni glasnik Bosne i Hercegovine“, 99/07). Ovaj Zakon stupa na snagu danom objavljivanja u "Službenom glasniku Bosne i Hercegovine“.

¹¹ Italik – Odluka visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 20/08 („Službeni glasnik Bosne i Hercegovine“, 58/08). Ovaj Zakon stupa na snagu danom objavljivanja u "Službenom glasniku Bosne i Hercegovine“.

¹² Boldirano – Prema Odluci visokog predstavnika kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine br. 01/22 („Službeni glasnik Bosne i Hercegovine“, 22/22), Odluka stupa na snagu odmah i odmah se objavljuje na službenoj internetskoj stranici Ureda visokog predstavnika i u "Službenom glasniku Bosne i Hercegovine“. Ovaj Zakon stupa na snagu osmog dana od dana objavljivanja na službenoj internetskoj stranici Ureda visokog predstavnika, ili prvog dana od dana objavljivanja u "Službenom glasniku BiH", koji god od tih dana nastupi ranije.